

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Atlas minor Gerardi Mercatoris

Mercator, Gerhard

Amsterodami, 1610

Macedonia

[urn:nbn:de:bsz:31-118360](https://nbn-resolving.org/urn:nbn:de:bsz:31-118360)

Regio unde dicta
Nomina.

GRÆCIAM alii aliter dividerunt. Quibus omnis Mercatorem nostrum sequemur, qui tribus Pinacibus ejus partes graphice nobis & eleganter delineat. In hac autem Tabula tres Græciæ Provincias as proponit, *Macedoniam*, *Epirum* & *Achaïam*: proxima *Mœciam*: Tertia & postrema *Candiam*. Primo loco occurrit *Macedonia*, amplissima regio a *Macedone* Rege Osiris filio, alii dicunt Iovis & Thyæ nomine fortita: vel ut Solino placet, a *Deucalionis* Nepote. *Emathia*, ante dicebatur, Plin. & Trogo testibus. *Pæoniæ* primo vocatæ scribit Livius, deinde *Amoniam*, *Edonia* item & *Pteria*, Solino. *Bœotiam* quondam dictam scribit Trogus. Ejus partem *Mæcetiam* dictam scribunt Steph. & Hesychius; & inde totam regionem nomen accepisse, refert Eustathius in Dionysium. *Cethum* item in libris Machab. ubi legimus Alexandrum egressum esse ex terra *Cethum*. In medio duorum marium Ionii ab Occasu & *Ægei* ab Oriente describitur: ab Aquilone Dalmatiæ partem & *Mœciam* Superiorem: a Meridie Epirum & *Achaïam* attingit. Regio circumquaque fertilis: Montibus maximis circumvallata: cujus orajuxta Ionium Mare plana, ac nemorosa est: nam tota ea pars *Albania* nunc dicta, quæ satis ampla, fertilis & amœna est. Auri præterea & Argenti Metallis satis dives est, atque in ea olim incognitum quoddam Auri genus, teste Aristotele inventum est: Asphaltum quoque isthic ex venis terræ eruitur. Gignit & Macedonia lapidem quem *Pæantiden* vocant. Hunc eundem & concipere & parere, & parturientibus opitulari fama prodiga est, ut Solinus scribit. *Hæc est Macedonia* (inquit Plin.) *terrarum imperio potita quondam: hæc Asiam, Armeniam, Iberiam, Albaniam, Cappadociam, Syriam, Egyptum, Taurum, Caucasum transgressa: hæc in Bactris, Medis, Persis dominata, toto Oriente possessa: hæc etiam India victrix, per vestigia Liberi Patris atque Herculis vagata: hæc eadem est Macedonia, cujus uno die Paullus Æmilus Imperator noster LXXII urbes direptas vendidit. Famam differentiam sortis præstare duo homines.* Macedonia regiones plures in se complectitur, inter quas *Thessalia* quæ nunc *Comenolucari* Castaldo, præstantissima est. Urbes Macedoniæ olim multæ & nobiles. Hodie præcipuæ sunt *Thessalonica*, nunc etiam ut olim frequenter a variis gentibus Christianis habitata, & Judæis, qui ibi LXXX Synagogas habere referunt. Sedes hodie Sangiaci Macedonici, hic ad jussu Beglerbeii, quoties Turca expeditionem aliquam parat. 150 Equites bene armatos habet, quorum C perpetuo penes se servat in defensionem limitis sui. Huic vicina *Siderocapsa* Metallis Auri celebris, *Pella*, ubi *Gazæ* regni custodiebantur, & *Equæ* regni ad fœturam alebantur numero supra 3000: Plin. & Str. prodentibus. *Stagyræ* Aristotelis patria. *Apollonia* in qua Augustus Cæsar Græcas literas didicit. *Dyrrachium* quod ante dicebatur *Epidaurus* e regione *Brundusii*: *Aulon*, *Croia*, *Cavalla*. Fluvina Macedoniæ sunt post *Strymonem* in finibus Thraciæ *Axius*, *Erigonus*, *Aliaçmon* & *Pelæus*. Montes habet *Pelion*, *Ossiam*, *Pindum*, *Nymphæum*, *Athos*, *Athos* ingens est, asper, aditu perdifficilis, umbras etiam in Lemnum usque Insulam proicit: confitus est Vite, Olea, Lauro, Myrtho. Pomis: nunc a Caloieris incolitur tanta religione, ut etiam Turcæ eo solo abstineant, sæpe etiam Monachos ornet muneribus & elemosynis.

Situs.

Soli qualitas.

Imperium majorum.

Urbes.

EP I R U S,

Regio & unde
ducta.
Situs.

Soli fertilitas.

Animalium va-
rietat.

Imperium majo-
rum.

Urbes.

Flumina.

Montes.

Volg. mores.

EPHROS, Græciæ Regio Ptol. & ceteris. *Chionium* olim dictam, scribit Martianus Capella: *Oriciam* & *Dodonam* ex Dionysio & Thrasibulo Grabelius. Hodie *Albaniam* vocari, scribunt Leander & Erythreus, *Larta* Richerins & Æneas Silvius: *Samam* nuncupari Callaldus ait. Terminatur hæc regio ab Ortū Acheloo fl. a Meridie Hadriatico Mari abluitur. ab Occidente Ionio pulsatur Mari usquem ad Celydnū amnem seu Pepylychnum: qua Septentrio est habet Macedoniam. Regio multis in locis nemorosa & sterilis, ad oram vero maritimam satis fertilis. Scribit Plin. Mala Orbiculata, ex figura orbis in rotunditatem circumacti, dicta, in Epiro primum provenisse, atque inde Græcis *Epirotica* vocata. Animalia producit magna excepto Afino, imprimis. Boves & Canes magnitudine egregia, atque etiam Oves. Equos generosos Epiri commendat Virg. i Georg.

India mittit Ebur, molles sua thura Sabai.
At Chalybes nud. ferrum utrosque pontus
Castorea, Eliadum palmas Epiros equorum.

Hanc regionem auctore Trogo *Molossi* primum tenuerunt. Troianis vero temporibus rexit *Ulysses*. Post quem ad *Eacidas* res pervenit, sub quibus longe propagatum Imperium. Deinde locus is ad *Romanos* postremo ad *Constantinopolitanos* pervenit Imp. & eorum concessione ad *D. spotos*, familiam quandam magni Epiri. Sed hanc Turca *Amurathes* expulsis Christianis Principibus ante XL annos sibi subjugavit. Urbes hic sunt *Dodone* oraculo Iovis Dodonæi celebris. *Nicopolis*, ab Augusto in memoriam victoriæ, cum navali prælio superavit Marcum Antonium & Cleopatram Reginam, condita. Civitas olim fuit egregia & incolis frequentissima: nunc *Prevesa* dicitur. *Ambracia*, nunc *Larta* a fl. cognomine. Fuit hæc Pyrrhi Epirotici regia, patria Cleombroti Ambraciota, qui referente Cicerone, lecto Platonis libro de animæ immortalitate, pertæsus miseriarum vite, è loco edito se præcipitem dedit. *Actium*, quam etiam Acarnaniæ clarissimam urbem ponit Gerbelius. Hæc Augusti fuit Colonia, nunc *Capo Figulo* in recentibus tabulis. *Butrotum* Str. & Virg. *Coloniæ* vocat Plin. *Butrinto* hodie *Sophtans*. Et *Leucas* ubi Apollinis delubrum & saltus, quo crediti sunt amatores ab amoris æstu liberari, & ex quo prima omnium auctore Strabone, Sappho Poëtria defiliisse fertur, ut Ovidius etiam in epistola Sapphus meminit. Amnes Epiri sunt *Acheron* Ptol. *Acheron* Livio. *Achelous* Str. *Sophiano* *Aspri*, Nigro *Catochi*, *Kyriaco* Anconitano, *Geromea*. Montes, *Ceraunus* seu *Acroceraunus* altitudine famosi, nautis formidabiles. Nam quotiescumque nubeculae inde elevantur, tempestates in eis maximæ exoriuntur. *Stymphe*, ex quo *Arachnia* fl. profluit, teste Str. Incolæ, Bellonio referente, turmatim sua regione æstate egrediuntur, ob soli sterilitatē, atque alio proficiscuntur, nempe in Macedoniam, Romaniam, & Naoliæ, ubi operam Turcis locant lucræ gratia, veluti ad segetes metendas, & Frumentum expurgandum: qui postea messe perfecta domum Autumni tempore redeunt cum uxoribus & liberis vetam traducturi. Sunt autem Christiani, & peculiarem habent linguam a Græcâ diversam: religionē tamen Græcâ colunt, & quoniam Græciæ vicini sunt. Græcū etiam Idioma callent.

Restat

RESTAT in hac Tabula *Achaia*, Græciæ regio. Hanc Ptol. *Helladem* quoque nominat. *Meram* Græci-
am vocat Plin. Cæcilius in epistolis. Terminatur a Septentrione Thessalia juxta amnem Sperchium, Si-
 num Maliacum, & Oetam Montem, ab Occasu Acheloo amne, ultra quem mox Epiri tractus incipit:
 qua Oriens est, nonnihil in Septentrionem reflectendo *Ægæo* Pelago, & Myrtoo pulsatur usque ad *Su-*
mitum Promontorium, nunc *Capo delle Colonne*: qua Meridies est Peloponnesum habet objectam Isthmo conjun-
 ctam. Regiones apud Scriptores hic 1x reperio, quæ sunt *Doris* regio juxta Parnassum. *Ætolia* ad *Evenum* fl.
 Hæc ad Arcum plana, & fertilis, ad Austrum aspera ac sterilis. Multas vetustissimas habuit urbes, inter quas
 præstantissima fuit *Calydon*, quæ hodie cum reliquis in ruinis jacet. Hanc regionem *Evenus* liquidissimus a-
 mnis perfuit, qui in mare devolvitur. *Loerorum* & *Opuntiorum* regio, aspera erat, quorum *Amphissa* Vrbs maxi-
 ma & nobilissima. In hac etiam *Naupaëtus*, quam alii in *Ætolia* locant. *Phocis* juxta Parnassum montem. Vrbs
 ejus *Dolphi*, ubi Templum Apollinis sumptuosissimum & Oraculum. *Boëotia*, inter montes sita agro potitur
 humido & paludoso, sed pingui & frugibus fecundo. Vrbs *Asyra* ad Heliconis radices, Hesiodi patria. *Ore-*
homenus, Tiresiæ oraculo clara. *Thebae*, quæ neque Athenis cedebant olim claritate, Plinio prodente. Multo-
 rum illustrium Virorum patria. Nunc vero prostratæ & diruæ jacent. *Cheronea*, patria Plutarci. *Platea* memo-
 rabili victoria Græcorum Duce Pausania adversus Mardonium nobilis. *Tanagra* Vrbs superstitiosissima. *Au-*
lis, ubi Græci ad Troiam profecturi congregati fuere. *Attica*, terra sterilis ac silvosa. Vrbs primaria *Athens*,
 Pomponio clariore quam ut indicari egeant. Euripidi apud Athenam Græciæ Græcia, seu Græciæ compen-
 dium. Valde prædicat illam urbem Cic. oratione pro L. Flacco: lib. 11 de Legibus, & in Dialogo de partiti-
 one. Fuere & *Marathon* celebri Miltiadis victoria notissima. Et *Eleusis* clara sacris Ceteris quæ *Eleusinia* di-
 cta fuere. *Megaris*, a Steph. aspera vocatur. Hujus Vrbs *Megara* quæ ipsi regioni nomen dedit juxta Isthmum
 posita. Fluvii Achaia celebriores sunt: *Ismenus*, Thebas urbem adluens Bœotia fl. *Cnopus* quoque Straboni *Flumina*.
Asopus. Homero herbidus cognominatus. *Evenus*, ante *Lycormas* Apollodoro & Strab. testibus. Fluvius est
 Ætolia. Montes celebres *Parnassus*, Lucano lib. v *Mons Phœbo Bromioque sacer*: in ipso totius Orbis medio *Montes*.
 Claudiano & Lucretio situs. *Helicon* Plinio Musis natale. *Hymettus* Melle, Marmore, & omni eo, quod ad Me-
 dicinam utile est, clarus. *Cithæron*, a Cithara dictus Lactantio, quod illic frequenter hoc organum personaret &
 alii Poëtarum versibus decantati. Episcopatus porro in hac Tabula juxta Provinciale Romanum sunt: Ar-
 chiepiscopus *Philippensis*, cujus Suffraganei *Christopolitani*, *Dragonensis*, *Christopolitani*. Arch. *Sereffanus* nullum
 habens Suffraganeum: Arch. *Thessalonicensis*, sub quo *Citrensis*, *Veriensis*. Arch. *Laricensis*, sub quo *Dmyriensis*,
Abmurensis, Armiro credo: *Cardicensis*, *Sidonensis*, *Dimucensis*, Arch. *Neopatenfis*, sub quo *Lariatensis*. Archiep. *Theba-*
ensis, *Joro cemensis*, *Cassoriensis*, Arch. *Atheniensis*, sub quo *Thermopylensis*, *Davalensis*, *Salonensis*, *Nigropontensis*,
Molgarensis, *Megara* opinor, *Roonensis*, *Egimnensis*. Arch. *Corcyrensis* & *Duracensis*.

Cccc

Hæc